

Atanguyauyut Unipkangit

LMI kiutjutait tatvunga AANDC-kut uvalu KIA-kut Kingolikpak Nalaktautitkugit Katimatjutaitnut

Una Titigak naunaitiaghimayunik kiutjutikaktok tatvunga Lupin Mines Incorporated-kunit (LMI) kitjutigiyumavlugit hapkua kingolikpat titigakhimayut kiutjutait ukkua Nunakakaktunik Pivalialigiuyut uvalu Okioktaktomi Pivalialikiyit Kanatami uvalu ukkua Kitikmeot Inuit Katuyikatigit pitjutikaktitlugit hapkuninga nutangutighaitnik haffuma Naunaipkut A Immap Laisikhanik tatvani Lupin Mine Uyaghakhiokvianit.

Pitjutigivlugit ukkua Kitikmeot Inuit Katuyikatigit-kut, naunaikhimalgukmatjuk tatvani kingolikpami tughiotaitni tatva pikangitmat tuhaktitjutirhaitni tatva tughioktikangitmata ukkua LMI Lupin Mine-kut Uyagaghioktiit Kitjutighanik.

Tatvani hamna Laisiata attoktitlugu, ukkua Lupin Mines Inc. Uyaghakhioktit (LMI) atoghimayot ematot avatkutogit 25 million talanik ilingaiyaotighaitnik ukkua Lupin Mine Uyaghakhiokvianit, ilaloitivlugit Avatilikinikut illingaiyaotait uvalu aulahimaktonik tatvani uyagaghiokvikmi illingaiyaotait.ukkua LMI-kut Uyagaghioktit aghokpaktot pitiagahoakhutik uvalu kiokatagahoakhotik Tohaktitjutighanik toghitokagangat, pigiaktikoyaohimayonik uvalu okaotaohimayonik tatvuna notanik laisikhanik tohiotakniahaktitlugit. Ukkua LMI Uyagaghioktit havagiluaghimayait hakua laisikhaktanik hapkuningalu aulatjutighanik, uvalu hivuliotinahuaklugit malikayaghatik. .

Pitjutigivlugitaok ukkua LMI Uyagaghioktit kiutjutighait ukkua AANDC-kut Kingolikpanguyut Tughiotait, LMI-Uyagaghioktit tuhaktitihimayut ukkaotigivlugit illikut tamaita hapkua ihumalotaohimayut naonaiyatiakhugit hapkua ilaliutivlugit:

- Havakvikmut uppautinnikmik ayoghaotait tatvani 2014-mi maliganiklu nalughaknik;
- Naunaiyainik kuvigakvioyonik halumailgonik havakvigiyaitalu ammigaknik hivunighami attugaghaoyonik;
- Atanguyaoyut parnayaotaitnik uvalu notangoktigotaitnik notanik laisighaktagotaitnik;
- Ublumi atogaoyonik Kimaigaikpata uvalu Notangotigotikhanik Parnaiyaotighaitnik tuhaktitjutighait ;
- Ohokyoat kannukininganik;
- Ulugianaktonik hiitighimayot hikminnik haligaknik
- Haligaknikut nutangoktigotighaitnik akkiliktotighait uyagaghiokvikmut uppaotiyaktoghimakpata hapkua allannit nanminiaktoniit ;
- Inukagiotitlugo monagitjutighaitnik havagiyaoyoghat, havagiyaohimaaktoghat haligaktaoyughat uvalu kimilgoktaokataktughat;
- Takuuktaokataktoghat uvalu tohaktiittitjutighaita naonaiyaotighait;
- Ulugiaknaktonik ikkakuknikut tiitikat naonaiyaotait uvalu havakvioyomi tutkumaviit
- Annugitoktut kuviogakviit uvalunin kimmikloknit uappaliannik naonaiyainnik ;

LMI Uyagaghioktit kiohimayait hapkua tamaita ukkaotaohimayot hapkunanga pikataoniaktonit katimayiooyonit. LMI Uyagaghioktit nigioktot notamik immap Laisighaktagotighaitnik tatvalu apputikakpalangitommik ukkiumi 2015-mi havagiyamingni angmaomayamingnik hannaviuyomi malikayamingnilu hapkuninga notamik immap Laisighanik uvalu hapkua havagiyomavlugit tonighitjutighimayatik notangoktigahuakhugit hapkua Laisighaktagotikhatik

LMI Uyagaghioktit kiohimayut hapkua titikat hatkighimayait tatvunga Katimayitnun innighimayut tuhaktitjutighat katimatjutaoyugghanot ilaliutiyughat katimaniaktitlugit tatvani Fapyuali 4-mi 5-milo, 2015 tatvani Kugluktumi, tatvalu ukkua Katimayit nakuatot ihomaghutighaitnik notamik Laisikhaktakutighaitnik namayagiakakniakmata 10-nik ukkiunik Laisikagiakaknik uvalu kititlugit tutkoghiyagiakakniakmata manighanik imatot 25.5 million talanik.